

Stimadus donos di pikenus negosius y menbrus di komunidadadi di inpresarius lokal,

Governador aviza di novus mididas di kontrolu relasionadu ku COVID-19, tanbe konxedu pa coronavirus, ki podi ten implikason na pratika di nhos negosius. Desdi ki virus parsi na Boston na 1 di Febreru, 2020, Gabeti di Prezidenti di Kamara ten stadu ta djunta informasons atualisadu y orientasons di Sentru di Kontrolu di doensa (CDC) pa negosius y organisasons. Nu kre pa bu sta informadu y ten asesu a tudo ki nu sabi sobre es virus, modi ki nu ta reduzi se propagason y ses konsikuensia na Sidadi.

Alen di rekursos y isforsus ki dja nu mensiona antis, nu ta gostaba di komunika (via um konferensia pa tilifoni) ku donos di negosius pa obi nhos opinion y speriensias. Agenda des komunikason pa tilifoni ta inklui un aprizentason di situason di coronavirus na sidadi, rekursos ki sta dispunivel pa bo y, na fin, ta ten un tenpu pa nhos faze perguntas, poi nhos preokupason y dexa sugestons.

Es Konferensia pa tilifoni (Telekonferensia) sta bai kontisi kuarta-fera, 18 di Marsu, 2020, 4 ora di tardi.

Txoma pa +1 (614) 664-9433

PIN: 799 590 823#

Si bu ten tenpu, por favor tra un momentu pa bu konpleta es kestionariu:

<https://forms.gle/xahYYZrxUwA3B6TS6>

Dipos di Telekonferensia, notas y perguntas mas frekuentis ta ser atualizadu na boston.gov/econdev. Si bu tiver algun pregunta, por favor, kontata Natalia Urtubey na Gabeti di Dizenvolvimentu Ekonomiku di Prezidenti di Kamara Munisipal natalia.urtubey@boston.gov ou (617) 635-0355.

Bu podi atxa informason mas atualisadu di Sidadi di Boston na kes rekursos li:

- Linha di Saudi di Sidadi di Boston: 617-534-5050
- boston.gov/coronavirus
- Kontas di redi sosial di Prezidenti di Kamara Walsh ([@Marty Walsh](#)), Sidadi di Boston ([@CityOfBoston](#)) y Kumison di Saudi Publika di Boston ([@HealthyBoston](#)).

Informason y Orientason

- Domingu, 15 di Marsu, Prezidenti de Kamara, Walsh, diklara Stadu di Emerjensa di Saudi Publika na Sidadi di Boston pa podi utiliza tudo rekursos y pesual nesesariu pa faze frenti a nesesidadis di momentu.

- Imediatamente, negosius devi evita djunta pesoas pa riba di 25, inkluidu funsionarius.
- Konstrusjons ke ka urgenti foi suspendidu a partir di 17 di Marsu, 2020. Lugares ki sta na obra ten ti 23 di Marsu di 2020 pa fitxa ses obra, di manera koretu, inkluidu proteson kontra ventu, siguransa y tudu otus medida di siguransa ki for nesesario.
- Domingo, 15 di Marsu, Gobernador Baker aviza sobri proibison di tudo restorantis y bar di fornesi servisus na ses stabilisimentu a partir di Tersa-fera, 17 di Marsu, kuse ki ta signifika ma bu devi opera so pa pesoas buska kumida y pa faze entrega na kasa.
 - Restoranti (ku ou sen lisensa di komersializa bebidas alkolikus), bar, klubi, klubi privadu, klubi sosial, lokal di divirtimentu ka podi na ninhun momentu dexa mas di vinti e sinku (25) pesoas na ses instalason lisensiadu, inkluidu ses trabadjador.
 - Stabilisimentus ka devi sirvi kumida ou bebida alkoliku pa konsumo na ses lokal. Keli ta signifika ma ifetivamenti sta kompletamenti pruibidu bendi alkol ku iseson di lojas ki ta bendi a ratadju.
 - Stabilisimentus so devi sirvi kumida pa pesoas bai buska ou faze entrega na kasa. Pa kualker restoranti ou bar ki ta servi kumida, nu sta faze regulamentus pa permiti faze venda pa leba (“take-out”) y faze entrega na kasa (tudu limitasons y regulamentasons ki ta pruibis di fase intregas pa leba sta tenporariamenti suspendidu). Keli ta inklui negosius sen lisensa pa fase intregas pa leba.
 - Nu ta inkoraja uso di buska di kumida ou servisu di intrega na kasa. Si na momento bu ka ta usa servisus di intrega, Dipartamentu di Pikenus Negosius ta podi djudau. Kontata 311 pa komunika ku nos.
 - Stabilisimentus ki ta oferesi servisu di buska ou di intrega na kasa podi fika abertu ti kel ora di fitxa ki sta aprovalu na ses lisensa atual.
 - Stabilisimentus devi tra ou isola tudu asentus (lugar di xinta) di ses instalasons lisensiadu.
 - Stabilisimentus devi respeta regras di distansiamentu sosial indikadu pa CDC.
 - A partir di gosi, servejarias ka ta abri ti es krisi di Saudi publika pasa.
- Kuarta- fera, 11 di Marsu, Gobernador Baker [deklara Stadu di Emerjensa y manda un ordi](#) ta proibi reunions ku mas di 25 pesoas ku objetivo di ivita aumentu di Coronavirus. Por favor, konsulta es orden di emergjensa - emergency order- pa ditalhis y iseson ki ta fazedu pa determinadus instituisons e situasons.

- Pa nhos konviniensia y distribuison pa nhos organisason y funksionarius, nu fornesi fixas teknikos di COVID-19 na [Ingles](#), [Spanhol](#), [Chines](#), [Vietnamita](#), [Portugues](#) y [Kriolo di Haiti](#).
- Tanbe bu podi djabi [sujestons di BPHC kuantu a linpesa](#), [sujestons di prevenson y orientasons pa lava mon](#).
- Dipartamentu di Servisus di Inspeson dja da orientasons pa enpresas ki ta trabadja ku alimentos na Sidadi di Boston pa previni propagason di COVID-19.
- Mas baxu bu ta atxa orientasons di DCD pa enpresas y pa funksionarius di manera a garanti ma bo e bus funksionarius sta pratika bons medidas di proteson. Pa odja tudo orientasons y rekursos di [CDC, por favor visita kel website li](#).
 - Salienta pa tudu funksionarius pa fika na kasa si es sta duenti, sigui etiketa respiratoria y linpa mon.
 - Konsedja funksionarius pa antis des viaja pas toma sertos prekauson.
 - Lava mon frekuentementi ku sabon e agu, duranti pelo menos 20 segundu, prinsipalmenti dipos di bai pa kasa banhu, antes kume y dipos di limpa nariz, tossi ou spirna;
 - Si na momentu ka tiver sabon y agu, usa dizinfetanti pa mon ku pelo menos 60% di alkol.
 - Evita toka bus odjus, nariz y boka sen lava mon; y
 - Linpa e dizinfeta objetus y superfisi ki ta tokadu ku frekuensia ku spray ou ku panu di linpeza ki bu ta usa normalmenti na kasa.

Informasons sobri COVID-19 ta kontinua ta produsidu rapidamenti. kumison di Saudi Publika di Boston ta kontinua ta atualisa informason na boston.gov/coronavirus. Pesoas ku perguntas individual podi txoma linha di Saudi di Sidadi di Boston pa 617-534-5050 (Segunda-Sesta, desdi 9 di palmanhan ti 5 di tardi) ou Boston 311 (24 oras pa perguntas ki ka é urgenti).

Nu sta prontu pa djudau nes situason di evoluson rapidu, sima bu ten apoiadu nos Sidadi durante tudu es anos.

Nhos kuida,

Martin J. Walsh

Prezidenti di Kamara di Boston